

DE

# ÆTU MORTUO.

*Quam,*

AUSPICE DEO PROPITIO,

*Et Consensu atque Auctoritate Gratiſſæ Facultatis Medicæ,*

IN ALMA REGIA FRIDERICIANA,

P R Æ S I D E

. D. MICHAELE ALBERTI,

MAJ. REG. BORUSS. AULICO ET CONSIST. MAGDER. CON-

IO, MED. ET PHILOS. NATUR. PROFESSORE PUBL. ORDIN. ACAD.

AT. CUR. COLLEGA, SOCIET. REG. BORUSS. SCIENT. SODALI, ETC.

DN. DECANO H. T. SPECTATISSIMO,

*ino Patrono ac Promotore suo omni honoris cultu prosequendo,*

PRO GRADU DOCTORIS,

ISQUE IN MEDICINA HONORIBUS ET PRIVILE.

GIIS DOCTORALIBUS LEGITIME IMPETRANDIS,

HORIS LOCOQUE CONSVETIS,

ANNO MDCCXXIX. D. AUGUST.

*Publicæ ac placidæ eruditorum ventilationi subjiciet*

HANNES ALBERTUS GEYER,

CRUCENACO - PALATINUS.

---

HALÆ MAGDEBURGICÆ,

PIS JOH. CHRISTIANI HENDELII, ACAD. TYPOGR.







## PROOEMIUM.



Otus homo admiranda sane est Creatura, in qua quoad singulas partes, ad ipsius essentiam spectantes, imo quoad quemlibet statum, in eadem advertendum, innumeræ observationes & meditationes atten-

to animo sese offerunt: etenim quantæ considerationes in Psychosophia, in corporis scrutinio, s. Somatologia, in Anthropologia, in varia ætatis, generis, sexus, educationis, temperamenti, nationis, consuetudinis &c. ratione & indagine, in æstimatione & disquisitione vitæ & mortis, ortus & finis, occurrant, assiduo ingenio haud incognitum asse potest: & quemadmodum juxta *Lactant. Lib. 1. c. ult. Primus Sapientiæ gradus est falsa intelligere & vera cognoscere*, ita hæc sapientia in hominis scrutinio magno studio colenda & inquirenda est, quoniam in qualibet medi-



tatione tales respectus occurrunt, in quibus verum pro falso & hoc pro illo haberi & declarari potest: & quid quæso usitatus est, quam hominem in propria sua causa admodum cæcutire & dubitare; siquidem ipsa anima non distincte comprehendit, quænam ejus sit essentia, quomodo vires suas exerceat &c. quare facilis est lapsus a vero in falsum; ut propterea attenta circumstantiarum animadversio in qualibet disquisitione, hominem concernente, commendanda sit: hinc *Ambrosius Lib. 1. Offic. c. 16.* elocutus est: *in veri investigatione tenendum illud decorum, ut summo studio requiratur quid verum sit: non falsa pro veris ducere, non obscuris vera involvere, non superfluis vel implexis atque ambiguis occupare animum:* nam interdum ob præoccupationem intellectus, aliquando dolose vera pro falsis, & falsa pro veris proponuntur: id ipsum etiam ex parte in talibus casibus obtingit, in quibus judicia mixta suas deliberationes instituunt, quando videlicet Judices civiles in Consistorialibus & Criminalibus causis de veritate causæ Medicorum indagationes, deliberationes & decisiones requirunt: dum interdum vera simulantur & occultantur, & falsa veritatis ornamento induta temere pro genuina veritate offeruntur: quemadmodum nihilominus ob imperfectas, omissas, intricatas & simulatas circumstantias judicium suspendendum sit, & id contingat, quod *Laërtius Lib. IX. p. 617. seq.* refert: *Scepticorum, inquit, vox erat: ὅθεν ὁρίζομαι: nihil definimus: unde morbus illis, qui ἀπρεψία dicitur, quod neutram in partem sententia propensius inclinet,*  
infa-



*insinuatur*: Quam sæpe evenit, ut homines in foro politico res suspectas, malas & falsas variis excusationibus, ambiguitatibus & dubitationibus protegere allaborent, præcipue quando callidi & ingeniosi defensores, varia supponere, dubios aut alios casus interponere & perperam applicare, aut plane personis suspectis & accusatis varia falsa argumenta surrogare aliquando solent, ut iudicium forense & civile tali glaucomate obnubilatum, medicorum explorationes expetat, qui quando casus substratos ex vero decernunt, insuperque contrarium evincunt, iniquarum partium & quorundam defensorum aculeos & in rabulistica arte genita verba & iudicia experiri debent, quamvis interea verum etiam maneat effatum illud *Salviani Ep. 7. p. 336.* quod *res dubia ac latens melius semper bonis interpretatoribus, quam malis defensoribus credatur*: quam ob rem viris in arte peritis in talibus casibus etiam contra frivolas defensiones creditur, quæ dum interdum huc illuc aliquid in ipsorum etiam medicorum Scriptis primis labris degustant, malo tamen iudicio concoquunt & applicant: Est itaque secundum *Aristotelem Lib. 7. Ethic. c. 4.* *Solutio dubitationis inventio veritatis*; siquidem quilibet eruditus e dubitationibus se extricare studet, quoniam juxta *Senecæ* dictum in *Ep. 95.* *nihil turpius dubio & incerto ac timido, pedem modo referente, modo producente*: Et talibus dubitationibus, oblocutionibus, ambiguitatibus ac controversiis non modo homo vivus, sed & mortuus ansam præbet; hinc titulus de *recognitione Mortuorum* in foro publico fa-



solennis est; neque tantum mors hominum anno-  
fiorum, sed etiam pusillorum, imo plane in matris  
utero vita orbatorum conditio, sub examen voca-  
tur: unde ex parte sub bona interpretatione huc  
quadrat *Platonis Lib. VII. de Leg. & Basilii homil. XI. as-  
sertum: Si ad naturam solam respicias, nihil est homo &  
nullius pretii, si vero ad dignitatem, quam honoratus est,  
magna res est homo: siquidem homo tunc æstimatur,  
quando frivole perditur; aut sæpe accidit, ut homi-  
nes in morte & post obitum demum æstimentur,  
qui sub vita naturali haud promerito honore & a-  
more digni habiti fuerant: & licet juxta *Juvenalem  
Satyra X. v. 372. mors sola fateatur quantula sint hominum  
corpuscula*; nihilominus satis frequenter mors ho-  
minum arduis demum momentis & dubitationibus,  
de iisdem hominibus instituendis & resolvendis an-  
sam præbet: ita disquisitio quod secundum *Manili-  
um IV. Astron. v. 16. Nascentes moriamur, finisque ab origi-  
ne pendeat* & physicis & medicis varias subministrat  
meditationes: Et quemadmodum mors non modo  
nato majoribus, sed & frequentius junioribus fami-  
liaris est, ita etiam variæ circumstantiæ mortui pro  
differentia ætatis annotandæ veniunt: imo sicut *Li-  
psius Cent. 1. ad Belg. ep. 5. dixit: ad mortem maturi omnes  
sumus, ex quo nati, imo etiam antequam nati*, ita in ho-  
mine, adhuc in utero matris existente, vita æque  
instructo, ac privato, multiplices animadversiones  
se offerunt: quare varii medici de vita foetus in u-  
tero & Icti de Jure embryonum, (*conf. Wildvogel disp.  
de Jure embryonum, Caranza de part. natur. & legit. Cap.  
II. §. 1.**



11. §. 1. p. 81. seq.) utrique de *fœtu mortuo* variis respectibus differunt: quare certe totus homo ad innumeras considerationes, varia argumenta ipso suo statu subministrat: Et si tantum de fœtu humano sermo instituitur, tunc ipsius formatio, vitæ naturalis productio, animatio, vitæ & corporis confirmatio, legitima in utero conservatio, perfectio & maturatio, integra aut monstrosa structura, legitima aut illegitima per partum exclusio, maturus, immaturus, præmaturus, difficilis & serotinus partus, aut quatenus vivus vel vitalis est, quatenus sanus & firmus, aut imbecillis & ægrotans existit, quatenus vitia conformationis in illo occurrunt, aut integritas & humano statui competens formositas in eodem adest: alii de morbis fœtus eorumque causis differunt: quorundam occupatio versatur circa mortem embryonis huiusque causas atque diversum modum atque occasionem, nec non an naturali, an violento modo contigerit, & quidem an violentia ex accidenti, an vero ex malitia & titulo infanticidii derivanda sit; quidam de signis fœtum mortuum, quando adhuc in utero est, denotantibus, aut extra uterum in corpore demortui agnoscendis solliciti sunt, & per tot meditationes multum studium circa hominem, nondum in lucem editum, occupatum probant; quodlibet horum argumentorum peculiarem promeretur disquisitionem, e quibus nonnulla Medicis, alia Theologicis, quædam Juridicis usibus & applicationibus inserviunt: & quamvis ad hominis formam & essentiam anima & corpus in conjunctione-

tio-



Etione & mutua relatione spectent, foetus mortuus vero principalissima parte, nimirum anima privatus existat, adeoque homo appellari haud queat, *conf. Harprecht Respons. Crimin. Respon. 47. n.12. Ant. Gomez var. resolut. tom. 3. c. 3. n. 32. Gæddeus in Cons. Marpurg. Vol. 1. conclus. 25. n. 39.* tamen Jureconsultus *Julius Paulus in l. 51. quis aliquid 38. §. qui abortionis, (conf. Caranza l. c. c. 1. p. 58. n. 21)* hominem appellat *fætum efformatum & animatum*, unde foetus mortuus antea animatus & quoad partes essentielles integer supponitur homo, nisi aliquando adhuc corporis firmitas quadantenus deficiat: In tali disquisitione itaque præsentī Inaugurali specimine nervos nostros explorabimus, probabimus & de *Fætu Mortuo* tractabimus. Cui proposito ut DEUS benedictione sua annuat, mox in limine humillimis votis contendimus.

## §. I.

**T**Ractatio de *Fætu Mortuo mixti* fori est, dum *Medici & Jcti* de illius *utilitate* participant, quam ob rem *necessarium* esse judicamus, quo præmoneamus, quid *titulus* de *reliqua* explicatione promittat : in *nominali* explicatione haud diu hærebimus, siquidem neque Medicis, neque Jctis incognitum esse potest, quid sit foetus mortuus, si-ve vita destitutus, adeoque *cadaver* in *utero* matris præcipue *vivæ* delitescens, aut ex utero exclusus, extractus, excisus est: *Fætus humanus* itaque est conceptus in utero homo, qui a *primis* formationis initiis tendit ad suam

*matu-*



*maturitatem & perfectionem, qua legitimo partu in lucem edi potest, sub qua generatione tamen ex accidenti variis offensis obnoxius est, quo minus ad hanc perfectionem pertendere queat; quare aliquando immaturus, aut præmaturus ejicitur, aut plane antea vita privatur, quando prius manifestiora vitæ naturalis signa prodidit: vivit itaque propria in utero vita ut Nymmanus in tr. de vita fœtus in utero demonstravit, conf. Camerarius Syllog. Memorab. Cent. XI. partic. 36. Fœtus in utero non anima matris, sed propria vita vivit. unde Hippocr. in lib. de nat. pueri fœtum nominat genituram consistentem; & Aristoteles lib. 7. de animal. histor. c. 1. ut & Galenus in lib. an animal sit quod in utero est c. 2. 3. seq. fœtum vivum animal, quod per se movetur & enutritur, appellarunt; dum contra Stoici, referente Plutarcho, fœtum partem matris esse putant, non animal; quibuscum consentiunt Aphrodisæus, Ulpianus, Tryphoni, Cicero, Seneca, Quintilianus, referente Caranza l. c. cap. 2. p. 66. 67. n. 5. ex omnium itaque facultatum suffragio fœtus est speciale individuum in aliquo vivo subjecto comprehensum, proprio & distincto principio formante præditum, & speciali ac proprio corpore aut instruendum, aut instructum: & quamvis secundum nominalem suam derivationem a fovendo appelletur, quod continuo calore uteri, ut pulli incubatu gallinæ, indigeat juxta Nymmanum l. c. p. 55. nihilominus sub externo fomento propria virtute œconomiam suam vitalem instituit, & ut plurimum ad perfectionem perducit: est vero fœtus in formali & essentiali suo significato, quando principium vitale jam actu cum primo rudimento, ex quo integer homo formandus & efficiendus est, conjungitur, ut in uno etiam puncto anima & seminium materiale, ex*



quo aliquid corporeum formandum, hæreat: & si hic sensus nimis *strictus* esse videatur, *ampliamus* illum lubenter, ut aliorum desiderio satisfaciamus, & *illum* etiam fœtum nuncupamus, quando jam *corpus*, *humanis* usibus destinatum, aut *ex parte*, aut *plurimum*, aut *integre* efformatum est, hinc appellatur fœtus *quadrimestris*, *quinquimestris* &c. in præsentî tractatione itaque arripimus appellationem fœtus quoad *posteriores* sensum, in quantum videlicet in eodem respectum *vitæ* & mortis magis *perspicue* conciliare possumus: quamvis medici, qui de *formatione fœtus* differuerunt, fœtus historiam a *primis conceptionis* mensibus denominare & designare soleant: imprimis vero hoc loco de *tali* fœtu humano sermonem habemus, qui ad *sensum* *Ætorem animatus* & *vita* præditus dicitur, cujus indagationem in doctrina de *Abortu* & *Infanticidio* observare solent; sicut sensu *medico* illius fœtus etiam reminiscimur, in quo jam *vitæ* processus paulo plenior, completior & *perfectior* adesse solet: etenim licet mox a *primo conceptionis* termino *anima*, aut *principium vitale*, adesse soleat debeatque, (ut propterea *Celeb. D. D. Stablius* in *disp. de Abortu & fœtu mortuo* c. 2. p. 13. adserat: *fœtus mox a primo conceptus in utero materno diu vita fruitur*:) *conf. Jurispr. Med. D. D. Præsidis Vol. I. Part. I. c. de animatione fœtus*, quod *perfectam* vitam naturalem *maturius* administrare haud potest, nisi *totum* corpus, *omnesque* ad eandem vitam exercendam *idoneæ* partes præsto fuerint, hinc illa anima *prius* corpus format, & pederentim unum actum & officium post alterum exercet, qui ad œconomiam *completam* vitalem spectat, prout *successive* organa eo pertinentia, formantur; hinc brevi post conceptionem, cum *puncto saliente* motus ille *constrictorius* administratur, qui

mo.




motum cordis systalticum constituit: ob id fœtus *unius* & *proximorum* Mensium non quidem *omnimode* *vita* destitutus, sed ut *animatus* in vegeta *corporis* formatione *activus* est, interim *communi* nomine & acceptione *vivus* appellatur fœtus, qui *medium* gestationis terminum consecutus est, (*conf. Exc. Stablius l. c. p. 13. 14. suffecerit dixisse, quod fœtus intelligatur vivus, recepta loquendi ratione, non nisi ab illo maxime tempore, quo motibus sensibilibus sese jam manifestare incipit, a medio maxime tempore gestationis*) ubi *motu* eminentiori & *accremento*, evidentiori ipse magis inclarescit; quando itaque fœtus, *talem* *vitam* *amittit*, dicitur *mortuus*, dum non modo *internæ* & *propriæ* sic dictæ *functiones vitales*, sed & *motus* membrorum *externus* extensionis & volutionis, ut & *accrementum* & *augmentum*, ex *ventris* materni *intumescencia* accrescente præsumendum, *evanescent*, proinde etiam *aliæ alterationes* corporis, *emortuali* statui familiares & *essentiales* superveniunt: de tali *Fœtu mortuo* nobis agendum erit; minus vero de *Fœtus morte*, *quomodo* hæc contingat, & ex quibus *causis* oriatur, licet in transitu & prout reliqua tractatio requirit, *nonnullarum* causarum mentio injicienda sit.

## §. II.

Hæc tractatio sicut mixta est, ita *duplicem* utilitatem habet, *unam* & *proximior*em, quam *Medico* foro suppeditat, *alteram* & *connexam*, quam *Juridico* subministrat, unde non modo *scitu* & *commendatu necessaria*, sed & in applicatione admodum fructuosa existit: In *Medico* studio 1) hæc disquisitio multum lucis affundit doctrinæ de *vita* & *sanitate* fœtus in utero; nam dum in opposito *statum* & *signa mortui* embryonis indicat, ita argumentatio






valet ad *contrarietatem* ; hinc de vita & sanitate fœtus medici *certius* iudicium ferre possunt: 2) ex hac consideratione medici *indirecte* argumentari discunt, ad statum fœminarum *morbosum*, qui fœtus *gestationem* in utero interdum *æmulari* potest: an videlicet fœtus *vivus*, an mortuus adsit, an præsentia indicia a *morbo* quodam *intricato* proveniant: 3) ob id medicus *certus* redditur, *quo auxilia* sua dirigere debeat, ne forte *hydropem* & *tympanitidem* profligare suscipiat, ubi *fœtus* præsto est, neve pro mortuo vivum æstimet tractetque fœtum, & viceversa, adeoque eximium *errorem*, famæ & dexteritati suæ valde ignominiosum, committat: 4) illustrat hæc animadversio processum *generationis* & *partus humani*, dum videlicet *varia* signa occurrunt, quæ *differentiam* mortui & vivi fœtus indicant: 5) unde etiam medicus in *prognosi* formanda certus redditur, quid videlicet ratione *gestationis* & *partus* sperandum aut metuendum veniat: 6) confirmatur & illustratur porro hac tractatione *commercium* & *connexio* animæ & vitæ *matris* cum *fœtu*, huiusque *variis* operationibus 7) seorsim vero hæc disquisitio instruit medicum, quo *mortuo* fœtui haud *diu moram* in utero concedat, ne *graviora* inde matri immineant damna & pericula: 8) porro etiam reddit medicum circumspectum, ne *debilem* pro mortuo habeat tractetque fœtum, neve 9) ex *uno* & *altero*, aut plane 10) *ambiguo* signo *mortuum* fœtum dijudicet, sed potius *plura* aut *plurima*, & quidem *fide digna* colligat & conciliet indicia, quando iudicium accuratum ferre cogitat: 11) assequitur etiam iudiciosus medicus occasionem, inquirendi in *naturas mulierum*, an ex iisdem quidquam accedat, unde fœtus *vita*  
priva-



privatur, siquidem aliquando fœminæ occurrunt, quæ ob magnam *debilitatem*, aut *personalem aversionem* in *generationis* negotio obviam, aut frequentes *abortus* experiuntur, aut *iterata* vice *mortuum* fœtum pariunt, de quibus aliæ dicunt: Sie könnten kein lebendig Kind zur Welt bringen: 12) denique hæc explicatio in *genere* *historiam physico-medicam Vitæ & Mortis* amplificat & illustrat, dum in hominibus *ante & post* nativitatem *peculiariora*, quoad utrumque statum, signa & momenta attentioni & deductioni se offerunt: Præter hosce usus, alii adhuc *Judiciis civilibus & criminalibus* accedunt, ad quos stabiliendos & confirmandos Medici suis decisionibus succurrere debent: etenim *primo* hæc tractatio in inquisitione *Abortus* aliquam opem confert, an videlicet *ante* abactionem fœtus ejectus *vita* præditus, an vero vicissim *nunquam* tali vita instructus fuerit, id quod v. g. ex *exsiccatione*, aut *nimia* putrefactione, aut *separata* membrorum fœtus exclusione &c. inclarescit: deinde an embryo *proxime* ante abactionem *vivus* & comparate *sanus* fuerit, ut *aliquo* modo colligendum sit, quod ipse *vim* quandam sive per pocula & *remedia* abactionem promoventia, sive per *manum*, sive *aliunde* passus fuerit: an in *abortu* partim, in *fœtus* corpusculo talia signa conspicua sint, partim suspecta fœmina de se & *sui corporis* statu *talia* indicia producere possit, unde colligere liceat, fœtum ob mortem, *naturali* modo perpeßam, talem *præmaturam* ejectionem subiisse: deinde hæc tractatio præcipuam utilitatem eruendi *veritatem* confert in suspicionem commissi *infanticidii*, quando communiter *suspectæ* fœminæ eo confugiunt, ut *natum* infantem, *mortuum* in lucem editum, adeo-





que *ante partum* ex *alia* causa, sine adhibita *violentia* *vi-*  
*ta privatum* fuisse indicent & perhibeant: hinc de *corpo-*  
*re delicti* & ex *aliis* collatis circumstantiis medici inquire-  
re & renunciare debent, an *mortuus* hic fuerit *fœtus* in u-  
tero *ante partum*, an *sub partu* ipsi vis illata fuerit, an  
*post partum* demum occisus sit: quamobrem vera & *so-*  
*lida signa* & argumenta proferri debent, quæ hanc quæ-  
stionem legalem rite & fundate decidere possunt: qui-  
bus signis deinde iudices secure innituntur & processum  
inquisitionalem meliori & citiori successu prosequuntur:  
& quamvis de *fœtu*, *nondum* in lucem edito, *JCti* non  
multa dijudicare volunt & possunt, nedum quidem il-  
lum *æstimandum* esse asserunt. *vid. Caranza l.c. cap. 2. n. 12.*  
*Et c. 2. §. 1. p. 81. seq.* Medici tamen de tali *fœtu*, etiam non-  
dum per *partum* nato, multa asseverare, proinde etiam  
de *fœtu* mortuo, an videlicet *vivus*, an *debilis*, an *mor-*  
*tuus* sit, multa etiam indicare & judicare possunt, quibus  
judiciis propterea *JCtorum* labores *allevare* debent.

### §. III.

Proximum nunc est ut ipsa *Signa fœtum mortuum* an-  
notantia proponamus, quorum aliqua utique *ambigua* sunt,  
sed si cum *aliis* recte *conciliantur* & *circumspecte* applican-  
tur, omnino *fœtum mortuum* probant & *testantur*: ex  
hisce signis quædam in *Matre* occurrunt annotanda, alia in  
*Fœtu* nato: interim sub inquisitione *suspectarum* *fœmina-*  
*rum*, ipsæmet *fæminæ sponse* & *tempestive* talia indicia re-  
censere debent, antequam ipsis aliunde *clanculum* talia in  
aures dicantur & suppeditentur, siquidem *interdum* minus  
justi & ingenui defensores *sibi* & *fæminæ* cognita reddere  
& ad eadem provocare solent: aut interdum ad manife-  
stan-



standam *fraudem* & malitiam fæminæ, judices hæc explorare & nonnulla *falsa* indicia recensere, insuperque *suspectam* fæminam *exquirere* possunt, an non hoc aut illud observarint, quod si *affirmaverint*, facile *dolum* suum produnt: Talia Signa sunt 1) *motus nullus* in fœtu percipitur, qui tamen *antea* adhuc observari potuit, præcipue si hæc privatio motus *aliquandiu* durat, neque ullis *auxiliis* internis & externis *roborantibus* & ventrem placide *foventibus* & modice calefacientibus *excitari* potest: hoc signum velut *principale* ordine primo *Rod. a Castro de Morb. Mul. Lib. 4. c. 2.* *Sennertus Lib. 4. Part. 2. Sect. 6. c. 7.* & ex hoc *Ettmüllerus in Prax. de Morb. infant. cap. de fœtu mortuo* proferunt. *vid. Stablius in disp. de abortu & fœtu mortuo p. 14. 15.* *Volter Gebämmen Buch P. 1. c. 27. p. 74. 75.* *Mauriceau Schwangerer und Greistenden Zülffs Mittel P. 2. c. 12. p. 327.* *Riverius annotante Boneto in Polyalb. Lib. V. de affect. mulier. c. 26. p. 348.* asserit: *cognoscitur fœtus mortuus, quando motus illius cessat, quem prius in utero aut mater ipsa sentiebat, aut obstetrix percipiebat admota manu, aut aliis rebus tepentibus & roborantibus, quibus illius vis sopita solet exsuscitari: Mauriceau de generatione & partu hominis Lib. 3. c. 7. dicit: certissimum signum vitæ fœtus in utero est, si mater motum ipsius sentit: conf. Bresl. Gesch. 8. Vers. p. 732. circ. fin. Riedlinus Lin. Med. An. 4. obs. 31. p. 436. Bar-bette Chirurg. lib. 1. c. 23. Musitanus de Morb. Mul. c. 13. p. 487. Bohnius diss. de Infanticid. Lommius observ. medic. ubi de Signis emortui in utero fœtus agit: Dolæus Encyclop. Med. Lib. 5. c. 7. Schenck. lib. 4. de fœt. obs. 5. Forestus lib. 28. obs. 76. in Schol. hinc Bartholinus experimentum commendat Cent. 5. hist. 78. an fœtus mortuus vel vivus esset, experimen-*  
*tum*



tum fieri jussit Jo. Dom. Sala, manu aqua frigida madida, venterque imposita: quo facto fœtus deprehendebatur vivus, ob motum, quo noxium sibi ex imposita manu frigus evitare conabatur & Fr. Joël lib. 8. Pract. Sect. 4. c. 4. referente Boneto l. c. ordinat: Si prœgnans ambas manus in calentem aquam imponat, in eaque aliquandiu teneat, fœtumque non sentiat, mortuum esse docet: omnia hæc suffragia motum præcipue fœtus concernunt: quamvis Mauriceau l. ult. cit. causas & casus etiam alleget, ubi aliquandiu motus fœtus in utero perceptus haud fuit & tamen fœtus vita præditus postea in lucem editus fuit: quæ circumstantiæ itaque circumspèctum reddere debent medicum in judicando, ut videlicet inquirit, an hæc quies embryonis provenerit a nimia sanguinis copia molestante, a debilitate fœtus, a præmatura aquæ emanatione ex utero, a præmatura sanguinis effluxione, aut alia Hæmorrhagia perpeffa 2) quando abdomen nimis laxum, flaccidum, rugosum, aut simul lividum delabitur & descendit, cum insolito sensu valde molesti & aggravantis ponderis: quem delapsus etiam Riverius & Mauriceau annotant: & quamvis proxime circa partus terminum, una alterave septimana ante ipsum venter etiam versus femora & in inguinalem regionem magis descendere soleat, attamen hic descensus a priori discrepat, quod non tam insignis, neque adeo ponderosus & molestus, neque venter adeo flaccidus & rugosus sit, uti in illo signo esse solet, ubi fœtus mortuus existit: & hæc procidentia abdominis irregularem decubitum habet, ut nunc antrosum, nunc lateraliter, nunc quaquaversum, decumbat & pro diverso decubitu atque situ immutetur, hinc 3) ut plurimum contingit moles hæc tumida & flaccida in quodcunque latus decum-



cumbens fœmina se volvat, eo ponderoso quodam nisu delabatur, hocque modo a legitimo graviditatis statu eximiam discrepantiam testetur: quod signum plurimi medici allegare solent, velut Hippocr. de superfæt. Vid. Vidius lib. XI. c. 32. p. 729. Roder. a Castro, Riverius, Sennertus, Mauriceau, Riedlinus, Ettmüllerus, Lommius observ. med. lib. 2. Pfizzer de Morb. Mulier. lib. 2. P. 6. c. 3. Moræus de febr. Malign. paroxysm. c. 16. Paræus Chirurg. lib. 23. c. 25. Schellhammerus in A. N. C. dec. 3. an. 2. obs. 89. Baglivus Opp. L. 2. c. 8. p. 198. Stablius, Volter Hebammen Buch P. 1. c. 17. p. 41. Mauriceau Schwang und geist. Hülfss Mittel P. 2. c. 12. p. 327. Barbette l. c. Musitanus l. c. dicit: decumbente fœmina in latus, in id devolvitur etiam infans, velut immobile quoddam saxum; sed & mortuus jam ponderosior est matri, quia facultatibus, quibus antea regebatur, non sustinetur. Lommius l. c. signis mortui fœtus annumerat: si venter gravis est & quasi procidere velle videtur, nibiloque secius ac si hydropè urgeretur, intumescit, distenditurque & cadaveris pondere oneratur: Dolæus l. c. Horat. Augenius de hom. part. l. 2. c. 23. Bonetus Sepulchr. An. L. 3. Sect. 38. p. no. Cum hoc indicio cohæret 4) flaccescentia suspecta & rugositas abdominis, quod plerumque quando fœtus vivus est, extensum & firmum atque rigidum comparet, nunc vero suspecta hæc laxitas ominosum signum est & eximiam alterationem prodit, quando vero ad latus quoddam se se volvit fœmina, tunc in illo latere, cui incumbit, extensio insolita, instar vesicæ cum aqua impletæ, conspicitur, conf. Mauriceau l. c. sicut etiam illam rugosam & flaccidam ventris delapsionem Guldenklees Lib. 4. cas. 26. sub signo subsidentia ventris allegat.




§. IV.

Hiscē signis, in matre gravida obviis, annumerari debet, porro 5) *Mammarum flaccescentia pendula, extenuatio, manatio aut effluxio ex illis liquaminis turbulenti flavescentis & tandem illarum exarescentia, aut eminentia magis conspicua venarum quadantenus inflatarum & cum sanguine nigricante oppletarum, aut lac quod antea in mammis observatum fuit, nunc evanescit & exarescit; quod signum producunt Hipp. Lib. 1. de Morb. Mulier. Riverius, Rod. a Castro, Vid. Vidius Lib. XI. de curat. membr. c. 32. p. 729. Schenck. lib. 4. de fæt. obs. 5. Sennertus, Musitanus, Stablius, Waldschmid. Prax. L. 2. cas. 24. Barbette, Guldenkleee, Mauriceau, Philipp. Feu in Praxi subveniendi Parturientibus Lib. 1. Ettmüllerus, Dolæus l. c. aliique multi; accedit simul 6) faciei & labiorum pallor & extenuatio, imo aliquando suspectus & transitorius rubor, mox cum ominosa impallescentia alternans, aut etiam insolitus & confusus rubor & color in facie & genis, una cum oculorum perturbatione, obscuritate, torvo, anxio, meticuloso, austero & in genere inconsueto statu, cum insolito livore palpebrarum inferiorem circumducente, ut & palpebrarum livida & tumidula inflatione, imo totius faciei color lividus & pravus evadit: in visu obtingit aliqualis obscuritas, oculi quadantenus excavantur & in orbitam concidunt: qualia signa allegant Riverius, Rod. a Castro, Sennertus, Forestus, Lommius, Musitanus, Waldschmidius, Guldenkleee, Barbette, Mauriceau, Ettmüllerus, Bonetus, Horstius observ. medic. sing. Part. 2. Lib. 1. p. 69. sub titulo fætus mortuus propriis signis deprehensus, Dolæus, Vid. Vidius Lib. XI. de curat. membr. c. 32. p. 729. Volter Hebammen Buch P.*



*l. c. 17. p. 40. Riedlinus loc. citatis: 7) aliud figum est, quando gravidæ non modo insolito & suspecto horrore mox post obitum fœtus in utero percelluntur, sed & postea magis tam in extremitatibus corporis, quam in lumbis, genitalibus, naribus, auriculis frigidaæ sunt, imo in abdomine aliquando transitorium ominosum frigus sentiunt, id quod tonum partium & progressum humorum valde alteratum indicat; cujus signi mortuum fœtum denotantis testes sunt, Riverius, Rod. a Castro, Sennertus, Lommius, Salmuth. Cent. 2. obs. 69. Horstius l. c. Dolæus, Vidus Vidius Lib. XI. de Curat. membr. c. 32. p. 729. A. N. C. Dec. 1. an. 7. obs. 13. Baglivus l. c. Riedlinus cur. med. 125. p. 74. Forestus l. c. Stablius l. c. p. 15. Volter in Gebammen Buch P. 1. c. 17. p. 40. c. 27. p. 75. Musitanus, Guldenkleee, Barbette, Bonettus, Waldschmidius, Ettmüllerus: 8) fæminis mortuum fœtum gestantibus, imminet frequens animi deliquium, internus insolitus angor, tristitia, abjectio & pusillanimitas, levis melancholia, ut fæminæ quandoque ad illacrymationem moveantur, mensque tota immutata & eximie afflicta compareat: id quod testantur Rod. a Castro, Bonettus cum Fr. Joel, Sennertus, Lommius, Stablius, Vid. Vidius, Horstius, Guldenkleee, Barbette, Musitanus, Waldschmied, Ettmüllerus, Dolæus, Mauriceau in utrisque l. c. 9) cordis pulsus admodum irregularis occurrit, ut plurimum debilis, tardus, durus, inordinatus, quandoque oppressus & palpitans, cum quo interdum intercussantes horripilationes, aliquando angustantes phlogoses alternant; quandoque supervenit tremor cordis & membrorum, ut plurimum frequens perturbatio pulsus occurrit, quod signum confirmant Vid. Vidius, Barbette, Guldenkleee, Waldschmied,*





*Ettmullerus, Dolæus* : 10) experiuntur etiam tales gravida ut plurimum *insomnia anxiosa & terribilia*, unde aliquoties cum *angore & tremore* expergefiunt, ut non facile animum quietare possint, sed aliquandiu in *animo & corpore* eximium *torporem* experiantur : hujus signi testes producimus *Rod. a Castro, Vid. Vidium & Musitanum* : 11) *appetitus* in talibus fœminis est *corruptus*, imminutus, *vagus*, aut ut medici exprimunt, adest *anorexia* notante *Rod. a Castro, Musitano, Stablio, Volter* : 12) aliquando affligit *ventriculi dolor, morsus, ardor, angustia, præcordialis*, consentientibus *Lommius, Sennerto, Horstio, Guldenkle, Ettmullero, Stablio* : 13) accedit insolitus *capitis dolor* gravativus, temulentus & interdum in soporem inclinans, vid. *Vid. Vidius, Forestus l.c. obs. 78. in schol. Sennertus, Horstius, Ettmüllerus, Stablius, Barberte*, qui tamen status *periculosior* est, quem *Forestus* loc. modo citato fusius describit : 14) corripit interdum insolita *sitis & siccitas* molesta *faucium*, conf. *Rod. a Castro & ex eodem Musitanus, Vid. Vidius* : 15) quandoque graves & molestæ *vigiliæ* concurrunt. vid. *Lommius* 16) aut *maculæ lividæ* suspectæ in peripheria efflorescunt : 17) percipitur insolitus *membrorum languor* aut torpor, gravitas & *virium defectus* valde suspectus : vid. *Rod. a Castro & ex hoc Musitanus, Vid. Vidius l.c. Riedlinus Cur. Med. 125.* 18) supervenit nonnunquam *febris anomala & confusa*, hac sua qualitate *eximiam* alterationem, quæ in gravida obtigit, denotans, vid. *Platerus Prax. L. 1. c. 9. Bonetus Sepulchr. anat. l.c. §. 5. Ettmullerus, Dolæus* : 19) interdum plane confusiones mentis sive *deliria transitoria* obtingunt, notante *Ettmullero* : 20) nonnunquam *confusi alvi fluxus*  
obo-



oboriuntur, qui motus ad *partum* spectantes aliquando provocant, qui *posteriores* tamen facile iterum *cessant*, & præsentem statum *suspectum* ac turbulentum exhibent; qualem casum allegat *Riedlinus*, quid quod *Barbette* commemorat, quod *fæminæ mortuum* fœtum gestantes, *fæces* *tenuēs* excernant, adeoque *alvum laxam* experiantur: quando corruptio aut putredo ex *mortuo fœtu* in *uteri* substantiam, indeque in *intestina* transiit, tunc *fluor alvi fœtidus* observatus fuit. *conf. Horat. Augenius de part. hom. L. 2. c. 23. Boneti Sepulchretum Anatom. Lib. 3. Sect. 38. obs. 6. §. 2. p. 110.*

§. V.

Præter multa hæc signa, dantur adhuc *quædam*, quorum paucis mentionem facere lubet, & quidem 21) *varii* motus & conatus *partum* mentientes, sed facile iterum *evanescentes* & *fæminas* tantum affligentes, quos interdum medici pro *colicis* tormentis habent, *vid. Borgeſia observat. Lib. 2. p. 20. Bonetus in Sepulchr. anat. l. c. §. 6.* & tales motus valde *fæminas enervant* totumque statum confusum & intricatum reddunt *conf. Riedlinus l. c. Ettmullerus: 22)* frequentius *fæminæ tenesmum*, *stranguriam* & varia incommoda quoad *liberam* excretionem *urinæ* experiuntur, quoniam *moles uteri* cum *mortuo fœtu*, cujus *n. 3.* mentio facta fuit, tam *vesicam* urinariam, quam *intestinum rectum* aggravat & moleste afficit; tales molestias *mortuum fœtum* comitantes, referunt *Musitanus, Guldenkle, Baglivus Lib. 2. Opp. Pr. c. 8.* ubi ad *Cælium Aurelianum* provocat *cap. de fœtu mort. Volter. l. c. p. 41. 23)* aliqui annumerant *insolitum* & subito obtingentem *oris & navium fœtorem*, cum oscitatione crebra, quæ præcipue




contingit, quando jam fœtus in utero putrescit, excretiones necessariae perturbatae imminutae & oppressae sunt, & per hæc aliasque causas accelerata & magna sanguinis dyscrasia provocatur; hujus signi reminiscuntur, *Vidus Vidius, Baglivus, Mauriceau, Ettmullerus, Musitanus, Rod. a Castro, Lommius, Barbette, Waldschmied, Horstius, Riverius, Bonetus in Polyalb. Volter. 24)* ordinariae evacuationes semper sunt perturbatae, & quandoque imminutae & suppressae: corripit aliquando alvi retentio, urinae difficilis excretio, cutis est stricta & arida; cum qua alteratione variae aliae morbosae afflictiones celeri progressu se connectunt. 25) aliquando accidunt peculiare, insoliti, vehementes & admirandi spastici & convulsivi motus, qui facile incantamentis adscribi possent, quando hæc tragedia medicis haud cognita est: talem concursum ejusmodi motuum testantur *Rod. a Castro, Lommius, Horstius, Vid. Vidius, Sennertus, Musitanus, Waldschmied, Ettmullerus, Mauriceau schwang. u. greist. Sülffs Mittel P. 2. c. 12. p. 327.* 26) quando ex utero antea aqua effluxit, conatus ad partum coincidunt, hi vero iterum plane cessant, & alia ex prædictis ominosis signis conjunguntur, notantibus *Platero l. c.* qui dicit: *fit etiam ut conatus pariendi, eo tempore sese manifestent, mulierque paritura videatur, & ad partum ab obstetrice disponatur aquaque jam, sicuti ante partum fieri solet, effluxerit, sed his omnibus rursus cessantibus atque evanescentibus, nullus partus sequatur, & nisi denuo hæc redeant, uti aliquando fit fœtus extinctus nunc in utero, nunc extra illum hæret &c. conf. Mauriceau, Horat. Augenius l. c. Bonetus Sepulchr. Anat. L. 3. Sect. 38. obs. 4. §. 2. p. 112.* 27) quando jam mortuus in putrilaginem



nem abit, tunc ex utero effluit liquamen fetidum & putridum, vid. Rod. a Castro, Riverius, Schenck. lib. 4. de fæt. obs. 5. Sennertus, Dolæus, Bonetus in Polyaltb. Musitanus, Waldschmied, Ettmullerus, Mauriceau, Ammanni Medic. Critic. p. 534. interim hic ultimus author in suis aphorismis, aphor. 159. cautelam quoad hanc circumstantiam subministrat, dum dicit: *fætida & cadaverosa ex utero fluxio, non semper certum est indicium, quod illico contentus fætus mortuus sit; nam bujus conditionis excretio a congruato sanguine quidem provenire potest, qui nimis diu ibidem detentus fuit; quam ob rem quoad hoc signum circumspectio adhibenda est, an forte hæc fætida profusio ab alia causa originem traxerit: 28.)* proinde fætus mortui partus ut plurimum difficilis, laboriosus, tardus confusus est, ut vel diu motus eo pertinentes deficient, vel modo invadant, sed incongrue & cum suspectorum signorum concursu irruant, mox iterum cessent, & totum partus processum turbulentum reddant; hinc non modo tardius ipse succedit, sed & aliquoties parientibus funestus est, id quod plurimi hætenus allegatorum authorum in *Prognostica* fætus mortui tractatione testantur; ita etiam plurimi illorum difficultatem illius partus comprobant, v. g. *Ettmullerus de causis partus difficilis. Stablius l. c. p. 16. Musitanus l. c. c. 14. Forestus obs. med. lib. 28. obs. 76. in schol. Sennertus l. c. de causis partus diffic. ex rat. fætus. Volter l. c. c. 6. p. 15. Mauriceau der schwangern und greisten den Weibs Personen allerbeste Hülfss = Leistung Part. 2. c. 10. p. 308. Horstius, Mauriceau in aphor. 161. Waldschmied l. c. Bonetus sepulchr. anat. l. c. p. 110; Bohnius de infanticid. vid. ejus renunciat. vulnerum p. 171. ubi hæc ex-*

tant





tant verba: de cætero tunc mortuum enixam fuisse non inepte augurantur, si sub difficili partu hoc contigerit &c. Riedlinus *Lin. Med. An. 4. Mens. Julio obs. 8. p. 559. seq.* Ettmullerus *l.c. in prognosi. Forestus l. c. obs. 76. & 78. & Amat. Lusitanus Cent. 2. cur. 27. allegat casum, de partu difficili & morte parturiente ob gemellos in utero mortuos: raro itaque contingit, ut fœtus mortuus prompte per partum excludatur, quale exemplum commemorant Riedlinus loco modo cit. Hagendornius Cent. 3. hist. 10. imo rarum est, quod fœtus salvis matribus in utero moriantur, & quod tamdiu in utero fœtus mortuus detineri queat, qualia exempla passim recensentur, ex quibus pauca allegasse suffecerit: vid. Nymmanus *de vita fœtus in utero p. 24. seq.* ubi alii authores commemorantur, Hildanus *Cent. 2. obs. 51. Marcell. Donat. Lib. 4. c. 22. Schenkius de fœt. lib. 4. Bonetus Polyalb. Wolf. Lect. memor. Tom. 2. p. 601. A. E. L. An. 1695. Mens. Januar. p. 32. A. N. C. dec. 2. an. 9. obs. 107. Dec. 1. an. 7. obs. 13. Bartholinus Cent. 1. hist. 12. & de insolit. part. hum. viis. Sennertus l.c. in Prognosi. de Fœtu mortuo matri minus molesto. vid. Riedlinus *Curat. med. 870. 29)* quando aliquandiu ante partum fœtus mortuus est, tunc lochia pauca, pallida & fœtida effluunt, imo aliquando plane supprimuntur vid. *A. N. C. Dec. 1. an. 6. obs. 13.* interim si brevius ante partum fœtus vita privatus fuerit, nihilominus lochia fluere solent, conf. *Bresl. Gesch. 8. Vers. p. 729. seq.* 30) interdum ante fœtus exclusionem, secundinæ præmature excernuntur, vid. *Rod. a Castro, Riverrius, Sennertus, Musitanus, Bonetus, Barbette, Ettmullerus, vel etiam.* 31) contrario modo secundinæ post editum mortuum fœtum diutius retinentur, & partus difficultatem**





zem adaugent, sicut 32) post fœtus mortui partum fœminæ ut plurimum valde *enervatæ*, & multis *morbosis* ac periculosis *consectariis* obnoxie sunt, ut sunt *synoptico-cardialgici convulsivi* affectus, *epilepsiæ*, dolores, *deliria*, *febres* (*vid. Spindlerus obs. 76.*) *Cachexia* (*conf. Horst. l. c. Part. 2. Lib. 1. obs. 20.*) & multa *alia* pathemata, ut tam facile & cito post talem partum ejusmodi fœminæ sese haud colligant & ad quaecunque *virium robur* deveniant, quo tam Medici, quam *Œti* sollicitè & attente inquirere & advertere debent: 33) quidam hisce signis annumerant *dolorem* inconsuetum & suspectum circa *umbilicum*, ut *Forestus obs. med. lib. 28. obs. 76. schol. Rod. a Castr. Lommius Musitanus*, nec non 34) *inflationem* abdominis, ut *Rivierius & Bonetus*, aut *tumorem* inferioris ventris, fere *repente* subortum, ut *Vidus Vidius*: Et hæc sunt indicia, quæ in fœmina annotanda sunt, quæ *mortuum* fœtum peperisse asserit: Quo loco adhuc *Illustris Stablii loc. c. p. 15. 16.* verba allegamus: *ubi fœtus admodum grandis repente interit, imprimis autem sub ipso partu, inborrescit fœmina, ut etiam febrili frigore & horrore correpta videatur, vires corporis & animi fatiscunt, velut in momenta, succedunt anxietates, vertigines, lipothymia, dolores ad partum vari, debiles, breves revertuntur, imo vel plane evanescunt; imprimis autem refrigescit communiter magnopere regio infima abdominis supra pubem & nullus amplius sensus cujuscunque motus fœtus percipitur; imo vero magis magisque non corpore solum, sed omnino animus languescens fœmina, suæ quoque mortis subinde metum, nonnimum rarum etiam eventum subit.*



§. VI.

Proxima nunc excipit consideratio, quæ *Signa in Fœtu ipso*, de cuius *vita & morte* adhuc ambigitur, complectitur, ubi *quædam* occurrunt, quando embryo *una alterave* septimana ante partum, aut quando *proximius* ante illum, aut quando *sub eodem* mortuus est: Quoad *primam* circumstantiam notandum, quod 1) fœtus toto suo corpore *frigidus* existat, in quo jam diu *motus sanguinis & connexus calor* naturalis expiravit, ubi etiam ob varias *alterationes* motus progressivi ab utero *sufficiens* calor eidem communicari haud potuit, quod signum *Bobnius dissert. de Infantucid. Zittmannus in Med. Critic. Cent. 3. Cas. 90. p. 834. Vaterus disp. de infanticii imputati signis diagnosticis thes. 10. Mauriceau schwang. und geist. Hülfes. III. P. 2. c. 12. p. 327.* proferunt: si vero *brevi* ante partum, aut *sub partu* embryo mortuus est, tunc adhuc *quadantenus* calet: 2) deinde fœtus *eximie pallet & emortuali* colore conspicuus est, siquidem aliàs color naturalis *totus immutatus* comparet, dum vel ex *flavo pallidus*, aut *lividus*, aut *nigricans*, aut *maculis magnis atris* conspicuus est: 3) neque ullus in eodem observatur *rigor emortualis*, sed potius aut corporis *laxitas*, aut *cutis ariditas* rugosa, aut *colliquatio*, ut superficies sponte dehiscat & secedat: *vid. Ammannus l. c.* 4) quidquod in tali fœtu *initia* aut *maiores* progressus *actualis putredinis* conspiciuntur, quæ corruptio 5) cum magno *fœtore & emanatione liquoris* turbulenti lividi, *flavescentis* aut *nigricantis* tam e *corpusculo* embryonis, quam *utero* matris conjuncta est: 6) *abdomen* fœtus eximie est *collapsum* 7) *oculi tumidi & colliquescetes* existunt, 8) *funiculus umbi-*







umbilicalis, valde corruptus, qui alias *brevi* post obitum  
 foetus *flaccidus*, valde *mollis*, *livescens*, *flavescent*, *pu-*  
*tridus*, *lacerabilis*, in deliquescentiam pronus existit;  
 [quamvis talis funiculus etiam per aliquot dies libero aë-  
 ri expositus, talem mutatam & suspectam qualitatem as-  
 sumere queat *conf. Valentini l.c.*] dum in statu naturali,  
*succulentus*, *candidus*, *firmus*, *pellucidus*, bene mem-  
 branosus & cohærens est, qualia signa testantur *Bobni-*  
*us diff. de Infant.* *Ammannus Prax. Vuln. lethal. dec. 6.*  
*hist. 8. Valentini Pand. Med. Leg. Part. 2. Sect. 7. cas. 22. in*  
*respons. Vaterus l.c. thes. XI. Zittmannus Med. Crit. Cent.*  
*4. cas. 35. p. 914.*; quo loco seorsim ex *Mauriceau* ad ex-  
 plorandam vitam in foetu addimus, quando *obstetrices*,  
 dum visitant parturientes, in *funiculo umbilicali*, aut manu  
 foetus *nullum* amplius *pulsus arteriarum* sentiunt, tunc  
*mortuum* esse foetum indicant: *vid. idem author in schwang-*  
*gerer und greistenden Weibs Personen allerbeste*  
*Hülfs Mittel P. 2. c. 12. p. 326. 327.* 9) quando in *facie* fœ-  
 tus nulla *distincta lineamenta* observari possunt, 10) cœ-  
 teroquin totum corpusculum ob nimiam *flacciditatem*  
 collabatur, de quo dicunt, es sey zusammen aefallen und  
 gelegen wie ein alter Lappen: conspicitur 11) deformis *bia-*  
*tus oris* cum *fetidissima* exhalatione, 12) distinctus *ma-*  
*ior putredinis* gradus circa *umbilicum*, in *abdominis* re-  
 gione & partibus *genitalibus*, præcipue *masculorum*:  
 Quando vero *proximius* circa partum, aut *sub ipso* em-  
 bryo mortuus est, tunc sequentia annotanda sunt indicia;  
 1] Si in *diversis* corporis regionibus variæ *maculæ* conspi-  
 ciuntur, velut *vibices emortuales* Todten Flecken: 2] Si  
*fontanella* embryonis *flaccida* & valde *collapsa* est, ut *Ett-*



*müllerus* annotavit, 3] Si *cutis* fœtus mollis, *flaccida* & *mediocriter tumida* est, *vid. Mauriceau, Ettmüllerus, Ammannus* 4] si *supremi capitis cuticulæ dissolutio* observatur, quod pro *certissimo* mortui fœtus signo tradidit *Deventer in observat. Chirurg. quibus manifestatur artis obstetricandi lumen cap. 32. conf. A. E. L. An. 1701. Mens. Junii p. 284. conf. Mauriceau,* 5] quando *suturæ* valde *separatæ* sunt, licet fœtus congruam *magnitudinem* corporis possideat: *vid. Mauriceau,* 6] *membrana* reliqua *capitis* fœtus valde *laxa*, *vid. Barbette, Mauriceau:* 7] *defectus rigoris emortualis* & potius *præsentia flacciditatis* corporis: 8] *genitalium inflatio* & *livor*, celerior etiam *corruptio*: 9] an *defectus spumæ circa os* & *in ore* adsit, dum ex ipsius *præsentia* aliqui *vitam* fœtus *extra uterum* colligere volunt, siquidem nonnulli ad *suffocationem* infantis ex hac *spuma* concludunt, *conf. Vaterus l. c. Schurigii Sialogia p. 385. seq.* quamvis *multi* nati *infantes*, qui *vita aliquandiu* instructi fuerant, *moriantur*, in quibus *non æque* *spuma* in ore observatur: ut propterea hoc signum cum *judicio* conferri debeat: 10] *Philipp. Peu in Praxi subveniendi parturientibus* dicit: *certissimum vitæ, fœtus in utero signum est, si digito immisso in os, suctionem affectet infans, quod in parturientibus experiri liceat:* unde in *defectu* hujus aut ad valde *debilem* aut *mortuum* fœtum concludere licebit, *conf. A. E. L. Suppl. 2. p. 471. conf. Mauriceau schwang. und greist. Part. 2. c. 12. p. 327.* 11] Si *funiculus* colore prædicto modo mutatus, *ante fœtus* exclusionem *ex utero* prolabitur. *Volter. loc. cit. p. 41. Mauriceau schwang. und greist. Part. 2. c. 12. p. 327.*





## §. VII.

Annumeramus hisce signis 12] juxta observationem *Mauriceau*, quando cum digito foetui in utero *aperitur os* & foetus hoc non denuo claudit, tunc mortuum illum esse hic author judicat, licet etiam idem in valde *imbecillo* embryone contingere queat: idem judicandum est 13] secundum illud indicium, quod *Waldschmied* profert, quando ab obstetrice in *arteriis* capitis *nullus pulsus* amplius percipi potest: *vid. Volter l.c. p. 41. Mauriceau schwang. Zülfs III. P. 2. c. 12. p. 327.* 14] porro *Mauriceau* in *aph. 163.* dicit: *embryo in utero mortuus intra biduum aut triduum, majorem magisque fetidam corruptionem assumit, quando aqua effluxit, ac alias, si aqua retenta fuit, in toto Mense non contingit.* 15] & porro in *aphor. 164.* quando caput foetus diutius in orificio uteri haeret & proximæ partes haud intumescunt familiare foetus mortui signum est: 16] quando in foetu anus etiam biat: 17] si in aperto ejus corpore in aliquo viscere singularis morboſa afflictio conspicitur, unde facile judicare licet, quod ob illam embryo vita privari potuerit: 18] Si *pulmones* foetus *densi, rubicundi & graves ac compacti* observantur *vid. Vaterus l.c. thes. 12.* signum est, quod foetus nondum respiraverit, adeoque mortuus sit: *conf. tamen de hoc signo Bohnius in disp. de infanticidio & in Examin. Vuln. lethal. in app. P. 171. 172.* 19] hisce signis quidam annumerant, quando ante partum *Mæconium* ex utero elabatur, quod multi Medici allegant, ut *Mauriceau, Waldschmied, Dolæus l.c. Solingen. in Embryulcia, Verduc. in operat. chirurg. Volter. l.c. p. 42. Ettmüllerus l.c. Schurigius in Chylologia p. 859. seqq.* quamvis *Mauriceau, Rulandus in thes. p. 300.* ex hoc *Ettmüllerus,*



*Petermannus in Cas. med. legalb. dec. 1. cas. 7. & ex hoc Schurigius exceptiones quasdam contra absoluta hujus indicii veritatem proferant, ut propterea & medici & judices in inquisitionibus, conciliationibus & decisionibus suis prudenter versari debeant, ne in uno, aut nude ambiguis acquiescant signis, sed signa inter se & ex se invicem illustrent atque confirment: etenim mæconii excretio a foetu etiam debili, aut sub difficili partu, dum embryo multas compressiones patitur, contingere potest: & ut prædicti authores allegant, etiam actu evenire solet: 20]* Si experimentum cum pulmonibus institutum, secundum cautelas & animadversiones, quas *Dn. D. Præses in Jurisprud. Med. Tom. I. Part. 1. cap. 9. §. 5. & in disput. de Pulmonum subsidentium experimenti prudenti applicatione*, indicavit, cum reliquis circumstantiis congruit: 21] si cito oculi profundius concidunt & in corruptionem abeunt, qui, velut aliæ valde teneræ partes putredine corripuntur, adeoque citius singularem immutationem conspectui præbent 22] si foetui in utero digitus intra os immittitur & lingua ejus nihil sponte movetur. *vid. Mauriceau schwang. und greist. Hülf's Mittel P. 2. c. 12. p. 327.* omnes hæc magno numero allegatas circumstantias & multiplicia talia indicia prudens medicus sollicitè & judiciosè conferre debet, ita ex multitudine illorum facile inclarescet, quorsum plurima illorum signorum inclinent: imo exinde facile aliæ ambiguitates & difficultates, in nonnullis horum signorum obviæ, dissolvi & enucleari poterunt: Proinde etiam peritus & circumspectus medicus singulas illas causas etiam cum quolibet casu substrato conciliabit, quæ dubium quoddam movere poterunt, servata tamen illa prudentia, ne suspectis fæminis illæ manifestentur, velut hæ-



nus brevi tantum annotatione quasdam harum *exceptionum* proposuimus, ne videlicet indiscretum formetur iudicium, quod v. g. de *funiculo* umbilicali, *spuma* ante os, *mæconio* excreto, *profluvio* ex utero *fætido* &c. monitum fuit: Deinde circumspèctus medicus *illas cautelas* observet, quo in corpore fœtus *signa talia* *majori* cura inquirat, quæ *ambiguitatem* involvunt, v. g. *unde maculæ*, *stigmata*, *vibices* in corpusculo embryonis nata sint, an a *putredine*, an a *violentia*, illata? ut concurrentes *alias læsiones* rite observet, discernat & perspicue indicet! ut probe exploret, quæ mutatio a *morbosa* causa & quæ a *violenta* & *malitiosa* manu provenerit! ut *statum naturalem* fœminæ, quæ peperit, percontetur & ex illius *conciliatione* dijudicet, an *mortuus* an *vivus*, fœtus in lucem editus sit: v. g. si fœmina *ante* & *post* partum *sana* fuit, mox *suspecta* & *mortui* nati fœtus denuntiatio &c.

### §. VIII.

Præter hæc signa in dijudicando fœtu mortuo Medici & Iudices civiles exquirere debent, an *suspectæ* fœminæ, quæ *mortuum* fœtum peperisse asserunt, fide dignas *causas* indicare sciant, ob quas fœtus in utero vita privari potuerit; proinde etiam in hæc causas *denuo* inquirere convenit, an *satis efficaces* & *veræ*, existant; ita enim *commune* talium fœminarum *refugium* est, 1) quod *gravem lapsum* perpessæ fuerint, ubi inquirendum est, an ille lapsus etiam comparative *gravis* fuerit, an cum magna *contusione* abdominis & lumborum, cum *violenta* & vehementi *compressione* ventris & conjuncto eximio *terrore* contigerit: an in *ventre* fœminæ *suggillationes*, ut  
&



& in corpusculo *embryonis maculae* lividae compareant; an *mox post* talem lapsum *fæminæ ominosas passiones* in *ventre* sentiant, an *profluvium sanguinis* superveniat, qualis status in *animo* *fæminæ* fuerit, an magnus *angor*, illum occupaverit; quomodo ante & *post* lapsum *fætus* se habuerit, an *diu* aut *brevi* post talem lapsum *suspecta* alteratio *fætus* observata fuerit & *partus* successerit, an *fæmina tenerioris* constitutionis sit, ut lapsius etiam *mediocris* talem alterationem causari potuerit: 2) ita aliæ provocant ad *gravium* & ponderosorum corporum *gestationem*, sublationem, heben, tragen, vor sich schieben, unde etiam *vim* quandam, *fætui nocivam*, subiisse, quædam commemorant; in quo statu annotandus etiam est terminus *intra* talem fatalem *lapsum* aut *gestationem* & actualem *partum*, ut ex *fætu* deinde veritas magis erui queat: huc pertinent 3) *suspectæ Hæmorrhagiæ*, quæ *sub graviditate* obtigerunt; ubi porro inquirendum, unde illæ provocatæ fuerint? quando inchoaverint? quamdiu duraverint? qua *quantitate* successerint? quomodo *sub* illis & *post* easdem se *gravidæ* & *fætus* gesserint? quales ab iisdem *alterationes* observatæ sint? an illæ *hæmorrhagiæ* & indicatæ *alterationes veræ* an *simulatæ* sint? &c. 4) ratio etiam habenda est status *urgentis pletborici*, vid. *Stablius l.c. p. 15.* unde non raro *fætus* ad *abortum* disponitur, aut aliquando *quasi* suffocatur (uti *Rod. a Castro* loquitur & cum eodem *Sennertus* & *Musitanus*) vel nimium oneratur & *oppletur*, ut lethifera sanguinis *stasis* in *tenero embryonis corpusculo* oriatur, hinc facile *corruptio* supervenit, imo subito increbescit: 5) tanto magis vero *fætus* vita *privatur*, si præsentē tali *morbifica* sanguinis plenitudine



nitudine, fortiores corporis commotiones, saltationes, (conf. Welschii Zeb. Ummen Buch Part. 1. c. 9. p. 201. Part. 2. c. 10. p. 376. sicut alias saltatio in uterum & negotia illico perficienda, varias perversas qualitates transfert: conf. Riedlinus Lin. Med. An. 2. p. 321. obs. X. sub tit. saltatio menses intempestive movet) aut difficiles & periculosa peregrinationes, cum multis corporis concussionibus suscipiuntur: 6) observanda etiam est diuturna gravidarum fames, aut ob appetitus defectum, aut ob penuriam & pauperiem, orta, ubi aliquando inquirendum est, an non malitiosa femina ex instituto & deliberato animo parum comederint, ut foetus ob alimenti defectum in utero perire debeat: quemadmodum interdum honestae feminae parcius alimentosa ingerunt, ne foetus ipsorum grandior evadat & difficilem partum excitet: 7) inquirendum etiam est, an feminae valde tenerae & debiles sint; conf. Stablius l.c. p. 15. ut propter hanc imbecillitatem officio suo in hoc negotio gestationis rite fungi nequeant, adeoque vitae foetus sufficienter prospicere haud valeant; quare tales feminae aut facile abortiunt, aut iterata vice mortuum foetum pariunt, aut ad legitimum & ordinarium terminum illum haud gestant: 8) annotandum porro est, an feminae valetudinariae sint, vid. Stablius l.c. p. 15. aut sub graviditate arduum & periculosum, maximae acutum, morbum perpeffae sint, an vehementes spasmi, aut plane enormes & iteratae convulsiones illas affecerint, qui affectus cum reliquo statu naturali foeminarum perite conciliandi sunt, an videlicet animo & corpore valde tenerae & sensibiles an plethoricae, an spisso sanguine praeditae &c. sint: quales fontici morbi & morbificae causae facile ad foetus



tus *interitum* contribuere solent: 9) advertendus insuper est status *animi*; etenim si hic multis *afflictionibus*, curis, ærumnis, sollicitudine, tristitia, terrore, ira, &c. *turbatur*, facile exinde fœtus *detrimentum* suscipit; ast in hac circumstantia iterum *prudencia* opus est, quoniam *transitoria* talia pathemata haud statim *similem* effectum habent, neque etiam fœminæ, *talibus* animi affectibus *adsuetæ*, inde dispendium *vitæ* in *fœtu* suo experiuntur.

§. IX.

Proinde etiam 10) inquirere convenit, an fœmina *sub graviditatis* statu *fortiora* remedia adhibuerit, quæ non modo *corpus* gravidæ valde commovent & *offendunt*, sed & una ipsum *fœtum* ægre afficiunt, imo plane ad *mortem* disponunt, velut sunt potentia *purgantia*, nec non *vomitória*, quæ sicut ad *abortum* excitandum quadrant, ita etiam sæpe fœtum *mortificant*: similem efficaciam habent remedia 11) *menses urgentia* & *pellentia*, quæ *malitiosæ* quædam fœminæ ad *abortum* provocandum ingerunt, qui si *haud* consequitur, tamen illa medicamina ad *fœtus interitum* contribuunt; sicut alia remedia *valde calefacientia* in subjectis *teneris*, valde *plethoricis*, in prodiga *cruenta uteri* profluvia pronis, æqualem efficaciam habent, ut sanguis cum multo *orgasmo* & *pleniori* copia intra fœtum affluens, hunc *velut* suffocet, adeoque interficiat, quem obitus *modum* subito *impetuosus* & fœtida *corruptio* excipit: hinc *Vidus Vidius l. cit.* talibus remediis plane annumerat *castoreum*, *myrrham*, *sabinam*, *asam*, *fœtidam*; quæ priora, *incongruis* subjectis adhibita, æque *perversos* & *nocivos* effectus edere solent: idem efficiunt

*Bals.*



*Bals. sulph. Elix. P. P.* in *similibus* subjectis adhibita: 12) observationem pariter meretur, an foetus in utero *morbo* laboraverit, id quod ex *variis* indiciis inclarescit, sicut in praedictis monitum fuit, quo *viscera* embryonis indagari debeant, an in iisdem *labes* quaedam, tanquam *causa mortis* conspicua sit, praecipue vero annotationem meretur 13) an embryo gravioribus *convulsionibus* in utero laboraverit, ut propter illas vita orbatus fuerit; sicut non raro vehementes *terrores gravidarum* ad tales *convulsiones*, consequentes *abortus*, aut foetum *mortuum* disponunt, *conf. A. N. C. Vol. 1. obs. 3. Gravida tonitru percussa edit foetum mortuum, membris convulsis rigidisque:* 14) praecipue etiam convenit observare an forte foetus in utero cum *funiculo umbilicali* in *collo* circumductus fuerit, unde progressus sanguinis *per caput* valde *impeditus* fuit, ut propterea foetus in utero vita *privatus* fuerit: hinc in *capite & collo* vestigia aliquando *sufflaminati* progressus sanguinis, ni *putredo* magna intervenerit, conspici possunt: 15) praeterea indagandum erit, an partus *diuturnus* & valde *difficilis* praecesserit, ubi foetus aliquando in *portu naufragium* patitur, ut *Stablius* loquitur *l. c. p. 14.* ex quo foetus *antea vivus*, mortem subire potuit; ubi tamen iterum *cautela* illa observanda, ne iudices in *nuda partus difficilis accusatione*, a *fæmina suspecta* facta, acquiescant, sed quo de *veritate* ipsius se *certos* reddant, insuperque inquirent, an non ipsæ *fæminæ mala* intentione, *variis* modis & mediis sibi partum *difficilem* reddiderint, ut propterea foetus *extinctus* fuerit, hinc in *tali casu* simul in *corpusculo* embryonis observare convenit, an *suspectæ* quaedam maculae in eodem compareant: talibus



vestigiiis itaque iudices in ulteriori inquisitione sollicita cura insistere & niti debent: 16) inquirendum porro erit, an fœmina suspecta frequenti & immoderata *crapula* se oneraverit (quam circumstantiam *Vidus Vidius* etiam annotat) præcipue quando *larga spiritus ardentis* ingestione se *enervarunt*, unde fœtui magnum *detrimentum* accidit; quo pariter spectat, si *sceleratæ* fœminæ multa tali *intemperantia* & conjuncta *immoderata saltatione* & suo corpori & fœtui variam intulerunt *afflictionem*, quæ & *gravidæ* & fœtui arduos morbos causari solet, qui deinde ad diversas *pravas* consecutiones & ipsam embryonis *mortem* contribuunt: 17) *immodica* & cum eximia corporis ac *sanguinis* frequenti *exæstuatione* & ebullitione contingens *venerea* exercitatio æque fœtui *inimica* & interdum *lethifera* est; maxime si cum vehementi ventris *concussione* & *compressione* succedit: 18) inter alios morbos, *sub graviditate* evenientes & fœtui infensos, præcipue magnus & immodicus *fluor albus*, ut & *uteri inflammatio*, iteratus conatus *abortiendi*, aut *impetuosum* molimen ad *abortum* tendens, recenseri debent; qui morbi perinde fœtui valde *inimici* sunt: 19) nonnunquam *mola*, quæ præter *embryonem* in utero gestatur, dum huic necessarium *alimentum* subtrahit & in *suum* usum convertit, ad fœtus *interitum* contribuit: 20) ita etiam *gemelli* partim *sub gestatione*, partim *sub partu* ad propriæ vitæ privationem disponunt, quando aut *difficilis* est partus, aut variæ ex *prædictis* circumstantiis coincidunt, quæ deinde in *gemellorum* gestatione duplicem finistram & præjudiciosam efficaciam habent: Et hæ *nonnullæ causæ* sunt, quibus adhuc aliæ addi possunt, quæ fœtum mor-





*tuum* provocare solent, ad quas etiam in *hujus* fœtus disquisitione & decisione *Medici* & *Œti* assidue advertere, illasque *conciliare* debent; inde *facilius* *veritas* erui poterit.

§. X.

Hiscæ causis & circumstantiis hætenus recensitis annumeramus 21) quando gravida *præter modum* ac consuetudinem *pinguescit*, dum alias familiarius magis *emaciantur*, siquidem alimentum sub hoc statu *plus* in *embryonis* usum impenditur, unde sub majori *illius* accremento, *gravidæ* magis *decrescunt*: si vero *contrarium* contingit, tunc natura *matris fœtui* suo *necessarium* alimentum *subtrahit*, qui propterea *gracilis* & *debilis* manet, facileque vita *privatur*; hinc fœtus ex *hac* ratione extinctus admodum *exiguus*, *gracilis* & imperfectus conspicitur: 22) interdum *malitiosæ* *fæminæ* fœtum *in utero* mortificant, *externa* violenta & vehementi *abdominis* compressione, deliberato instituto perpetrata, unde *unâ* *embryoni* vis infertur; quare postea in nato *fœtu*, nec non in *ventre* *fæminæ* *extrinsecus* *maculæ*, *suggillationes* & *vestigia violentiæ* illatæ apparent, quales *maculæ* *certum* testimonium perhibent, quod *antea* fœtus *vita* præditus fuerit, dum sanguis in ejus corpusculo *circuitum* suum servavit, per illatam talem contusionem & compressionem vero *stagnationem* & actualem *stasin* suscepit: 23) quandoque *sub* partu fœtui *ad hoc vivo* vis infertur, ut *ante plenariam* exclusionem vitam amittat & *malitiosæ* *fæminæ* etiam *præsentibus aliis* *fæminis* fœtum *mortuum* pariant & ad hunc acerrime, contumaciter & audacter provocent, quem tamen per *retardatum* partum *jugulant*,

E 3



*runt*, aut per *compressionem* arctam femorum, quando embryo modo cum capite *orificium* uteri *egressus* est, e-  
 necarunt; in quo casu *varia vestigia* illatæ *violentiæ* con-  
 spici possunt, quæ ita *recentia* sunt, ut facile de *vita fœtus*  
 testari queant: siquidem talis fœtus adhuc corpore *cali-*  
*du*s deprehenditur; inde medici & iudices ansam inquiren-  
 di recuperant, ob quam causam fœtus *brevi ante partum*,  
 aut *sub hoc*, vita destitutus fuerit: aliquando sceleratæ  
 fœminæ *alio modo* fœtum in *vagina* adhuc hærentem oc-  
 cidunt, dum *violentas* ipsi inferunt manus, *comprimendo*  
 videlicet *ossa bregmatis*, adeoque in nobili *cerebri* parte  
*subitaneam* & *lethalem* sanguinis *stagnationem* & *stasin* ex-  
 citando, in quo casu quidem malitiosæ tales fœminæ *mor-*  
*tuum* quidem *pariunt* fœtum, in quo tamen *extrinsecus*  
 in *cute* cranii *vestigia digitorum* maculis rubris & lividis,  
*intrinsecus* etiam alia *aperta* perpetratæ *violentiæ* observa-  
 ri & demonstrari possunt indicia, quæ interdum ita *re-*  
*centia* sunt, ut de *vita* fœtus, haud ita longius absente,  
*firmum* iudicium & decisum formari possit: *conf. Dn. D.*  
*Præsidis Jurispr. Med. Tomus Alter. cas. 19. 24*) nonnun-  
 quam gravidæ ob inconfuetos *duros labores* (*vid. Am-*  
*manni Med. Critic. p. 547.*) modo *cum* intentione, modo  
*citra* hanc, ad *mortem* fœtus contribuunt, quando illæ  
 præcipue *tenerioris*, aut ad minimum haud *proportiona-*  
*tæ* constitutionis fuerunt, sub quibus negotiis & labori-  
 bus minus circumspecte varia corporis, præcipue *lum-*  
*borum flexione* & *incurvatione*, inclinatione & conjuncta  
 gravi & suspecta *compressione*, aliisque *incongruis* modis,  
 fœtui *vim* inferunt: hinc tales *ardui labores* & *incongruæ*  
 corporis commotiones in multis aliis fœminis *abortum*  
 causari



causari solent: 25) præstat etiam in nonnullis *fæminis explorare* & observare an illæ a *talibus* matribus natæ sint, quæ varias *mensium anomalias* passæ sunt, quæ aliquoties *abortum* subierunt, aut similiter *mortuos* fœtus pepererunt, ubi indagandum erit *judiciosa* conciliatione circumstantiarum, an in *suspecta* nunc fæmina ratio & consideratio *hæreditariæ* communicationis, *similis* qualitatis, ineunda & habenda sit: 26) peculiarem pariter annotationem, mere-  
tur, an *gravidæ* in perpeffis *morbis*, *medicis* auxiliis *rite* tra-  
ctatæ fuerint & an non *incongrua* medicamina, fortius san-  
guinem *commoventia*, potentius *evacuantia*, *suspecta ad-*  
*stringentia* &c. ad *interitum* fœtus contribuerint; quo  
præcipue pertinent *perversæ Februm* curationes in *gravi-*  
*dis*, aut *incongruus Corticis Chin-Chinæ* usus in intermit-  
tentibus, non obstante illo testimonio, quod *Mauriceau*  
*in observ. 272. circa graviditatem & partum* (vid. *A. E. L.*  
*An. 1695. Mens. Januar. p. 42.*) annotaverit, *gravidas Cort.*  
*Chin-Chinæ a febre liberatas interdum fuisse*: 27) conside-  
ratio *imaginationis* in gravidis non prætereunda est, uti et-  
iam *Exc. D. D. Stablius l. c. p. 15.* observat: sicut etiam hæc  
in *deformando* fœtu multum valet, ita in *destruendo* illo, aut  
ejus *mortem* promovendo *non parum* contribuit: *magna*  
enim illius *vis* est in gravidis, ut *communi* consensu conce-  
ditur: quare *animo* valde *sensibilibus* & in *imaginationis a-*  
*ctû* valde operosis gravidis, non facile conceditur, ut cum  
*defunctis* & *cadaveribus* humanis commercia habeant: un-  
de in historia medica exempla prostant, ubi fæminæ, quæ  
semel *mortuum* pepererunt partum, proxima vice *gravidæ*  
factæ, cum *metu* & *angore* de novo *mortui* fœtus partu  
sollicitæ & afflictæ fuerunt, quæ etiam porro iterum *ta-*  
*lem*



*sem vita privatum* embryonem excluferunt. 28) inquirendum insuper est, quomodo *sub graviditate* in fæminis status *sanitatis* comparatus fuerit: *vid. Mauriceau der schwangern und greifenden Weibs Personen allerbeste Hülffsleistung Part. 2. c. 12. p. 326.* Hæc eximia signorum congeries attentos & prudentes sententionantes *non in dubio* relinquet, sed multas ambiguitates & difficultates enodabit, quo justum, verum, certum & manifestum iudicium ferre queant: quamobrem *præcipuum* nostrum in præsentī labore fuit institutum ut singula momenta & signa annotemus & præcipuas animadversiones & ambiguitates significemus.

§. XI.

Quo porro *mortui* fœtus cognitio & dijudicatio *firmitati* nitatur fundamento, necesse etiam est, ut diversi & ex hisce *intricati & subtiles* modi *infanticidiorum* cogniti sint, quo ex iisdem sub inspectione *conciliatio* cum fœtu, de cuius morte *naturali & violenta* ambigitur & deliberatur & applicatio ad eundem institui queat; ita enim v.g. in *temporibus, fontanella, occipite, nucha, subtiles* violentiæ committi possunt, nec non *narium & oris* constrictione & oppressione, *sulphuris* accensi oblatione *ante nares* &c. suffocatio & extinctio perfici potest; quæ signa *curatius* annotanda & cum *quolibet* casu conferenda sunt: & si quædam notabili *ambiguitate & difficultate* laborant, tunc ex tota hæctenus commemoratorum signorum serie & congerie *pluralitas* probationum & argumentorum, pro veritate & *certitudine mortis* embryonis *naturalis* aut *violentiæ*, militantium observari debet, unde audacibus *suspectarum* fæminarum negationibus & *fallacibus* & cum  
crini-



crinibus corrasis lepidarum nonnullarum defensionum momentis medici & judices conscientiosi resistere & intentatas tales non argutias, sed *fallacias* discutere & refellere poterunt; quid quod optandum esset, ut nonnulli sciolli defensores *prius* signa talia prudenter *perspecta* habeant, ne *Rabularum* more, quicquid in buccam venit, impudenter & imprudenter eructent, fingant, adserant, supponant & deblaterent: imo deploranda res est, quod *nonnulli* defensorum in fœtus mortui casu stupenda *fingere* & *supponere*, omnes *favorabiles* casus *promiscue* in *suam* rem trahere & *medica* quædam adserta *indiscretim* plenis manibus arripere haud erubescant, quæ tamen præsentī casui *minime* respondent, aut quadrant; quamobrem in *arduis* ejusmodi casibus omnem lapidem movere convenit, quo *falsa* refugia præcludantur: proinde etiam in ejusmodi causis & casibus *magnimomenti*, præstat certitudini & evidentię *demonstrativæ*, haud vero *præsumptivæ* inhærere & fidem dare, quoniam præsumptiones, pro *diversitate* capitum & *sensuum*, subinde etiam *opinionum* plurima ex parte *fallaces*, aut *incipites*, dubiæ aut plane *falsæ* sunt: Præterea vero inspectio fœtus *controversi* haud *retardanda*, sed mox *post* partum suscipienda est, quoniam *variæ* causæ & circumstantiæ, partim a *fœtu* ipso nato, partim a causis *extraneis*, inter quas præcipue *anni tempora* & *tempestates* annotari merentur, proveniunt, quæ *accidentalem* alterationem in corpore *embryonis* provocant, ex cujus minus attenta & *distincta* animadversione facile *erroneum* judicium ortum trahere potest: Deinde in *dubio* statu non modo *externum* corpusculi fœtus ambitum inspicere convenit, sed etiam *internam* constitutionem explorare expedit, an forte ex in causæ *morbi* & *mortis* fœtus in *utero* manifestæ evadant: quamobrem *accurata Sectio* & plena ac *sufficiens relatio* nunquam negligenda, ni-



*negligentiæ* magnæ specimen inde inclarescat: etenim neglectis illis necessariis requisitis non modo *medici & civiles* iudices, *nihil certi* definire & decidere possunt, ut plurimum iudicia sua *suspendere*, aut in *ambiguo* formare & ferre debent; sed & *suspectæ* fæminæ cum suis *minus conscientiosis* defensoribus *varia refugia* inveniunt, sub quibus *protectoria* inquirunt, donec interdum per *aliud* medium eruendi *veritatem*, videlicet per *Torturam veritas facti* eliciatur: caveant propterea ipsi *Medici*, ne *aliis* ansam præbeant, quo *obstacula* & latebras quærant; ubi etiam minime negandum est, quod aliquando *culpa difficulter* formandæ dijudicationis, in *medico* imperito & negligenti hæreat, ubi defectus nonnullarum *scitu* perquam *necessariarum* circumstantiarum indicari & in rebus *dubiis & ambiguis* interdum mitior & *benignior* sententia seligi debet: neque etiam in corpusculo fœtus, modo *terræ* mandato, iterumque *effosso* aliquid *veri certive* facile & *secure* decernere licet, ni hæc effossio brevi intervallo *post partum* contigerit: imo *circumspectio* habenda est in *judicando*, quando natus embryo in loca *impura, squalida, calida, calido-humida* translatus, ibidemque occultatus fuit, aut si post partum ex *negligenti* tractatione fœtus *mortui* corpusculo læsiones quædam, adeoque ex *accidenti* illatæ fuere; quas singulas & *forte plures* alias *cautelæ*, quales pro coronide commemorare & commendare volumus, in decisione *mortis & mortui* Fœtus observare convenit: Sed nunc præsentī tractationi exitum struimus: DEO benignissimo devotissimas gratias agentes, quod almo suo auxilio in deductione & explicatione hujus thematici nobis adesse voluerit, quem humillime rogamus, ut efficiat, quo huic præsentī labori & reliquis nostris propositis exoptatus atque prosper affulgeat.





**S**il nunquam Medicos Vulgata resurgere tradit.  
 Huic ego non arti deditus esse velim.  
 Aut certe nunquam jucunda excedere Vita  
 Aut in Ventre mori dulcius esse putem.

*Hæc prospera quaque apprecans  
 adjecit*

J. A. BRACH,  
 Mosellanus.

**Ε**ἰσι καλῶ υμῖν παραδειγματὶ ἐργὰ μελίσσων  
 Ναιετάστων ἐν σμηνέσσι καὶ ἡρεσέσσιν·  
 Οὕτως ἀμμὶν αἰεὶ καὶ εὖ ἴησθαι ἀφορμὴν  
 Συμφέρει ἐν καιρῷ, ἵνα, παντοῖε ἐστὶν ἀνάγκη  
 Τῶν ἀπολαύσωμεθ' ὀρθῶς, μολέπῃα ἐχορίμην.

*omnem felicitatem adprecatus  
 posuit*

GEORG. CLEM. KOESTER,  
 Wallerth. Palat. Theol. C.

**D**u geehrter Freund, als Doctor wirst geziehret,  
 Und heut Hygeia Dich in ihren Tempel führet,  
 So ruff ich wünschend aus: Es müsse Wohlergehn  
 In Praxi jederzeit zu deiner Seite stehen.

Dieses schrieb seinem wehrtheften  
 Freund und Hochgeschätzten  
 Landsmann schuldigst zu  
 gratuliren.

H. J. FUCHS.



**N**ur Blüthe folgt die Frucht auf Arbeit kommt der Lohn;  
Die Ernde folgt der Saat, eh ein Palast kan stehen  
Wird erst der Grund gelegt, ganz Halle hat gesehen,  
Wie Du Dir selbst zum Cranz die Palmen zugetragen  
Drum wird ganz Creuzenach von Deinen Lobe sagen.

Hiermit gratuliret den Herrn  
Candidato

C. H. FUCHS.

---

**D**Um docto monstras ex Foetu dogmata Stilo,  
Hoc ipso stilo practicus esse potes.  
Gratulor hinc artem non delituisse peritam  
Fonte Machaonio, dum mera vina bibis.

*in Tesseram non fucata ami-  
citiae adposuit*

CHRIST. TRAPP,  
Heidelb. Palat. LL.C.

---

**N**Omen & omen habes, agitans cum VULTURE FOE-  
TUM  
Practicus ex praxi nomen & omen habes.

*De Solida artis Apollineae erudi-  
tione gratulabundus posuit*

JOH. HERRMANN FABER,  
Lauterecca-Palat. LL. C.

---

**E** un segno d' allegrezza  
Il monstrar la saviezza  
Mista colle Lettere.  
Questo hai tu voluto  
O Amico! e potuto  
Qui in carta mettere.

*Mò Iltrè Signore, questa ha  
apposto alla di Lei me-  
moria*

P. C. L. KOESTER,  
Wallerth. Palat. LL. C.